

Headline	82.2 peratus hidap HIV melalui penyalahgunaan dadah		
MediaTitle	Harian Ekspres (KK)		
Date	04 Dec 2013	Color	Black/white
Section	Tempatan	Circulation	29,826
Page No	6	Readership	97,836
Language	Malay	ArticleSize	157 cm <sup>2</sup>
Journalist	N/A	AdValue	RM 324
Frequency	Daily	PR Value	RM 972



## 82.2 peratus hidap HIV melalui penyalahgunaan dadah

**Jason Santos**

KOTA KINABALU: Kira-kira 82.2 peratus daripada penghidap HIV yang mendapatnya melalui penyalahgunaan dadah merangkumi golongan bekerja di negara ini, mengikut statistik Kementerian Kesihatan.

Berdasarkan angka itu, sebanyak 90.8 peratus daripada 97,345 individu yang mempunyai HIV di negara ini adalah lelaki, dengan kira-kira 70.6 peratus disebabkan oleh penyalahgunaan dadah melalui perkongsian jarum.

Menurut Pengarah Jabatan Keselamatan dan Kesihatan Pekerjaan, Mohammad Razak Ismail, pada Selasa, Kementerian menjangka bilangan itu meningkat kepada 119,471 menjelang 2015.

“Penyalahgunaan dadah meningkatkan kesan negatif yang boleh menghancurkan masyarakat,” katanya semasa pelancaran kod amalan baru Dewan Bandaraya Kota Kinabalu (DBKK), di sini.

Razak berkata usaha sedia ada untuk membanteras ancaman serta wabak tersebut masih terhad terutamanya di sekolah dan masyarakat secara keseluruhannya.

Sementara itu, DBKK mengambil

satu langkah berani dalam memperkenalkan dua kod amalan dan dasar dalaman untuk mencegah serta membanteras kebimbangan itu.

Ia memperkenalkan Dasar DBKK terhadap Penyalahgunaan Dadah, Alkohol dan Bahan Berbahaya kepada Kesihatan; serta Dasar dan Kod Amalan terhadap Pencegahan dan Pengurusan HIV/Aids.

Berucap di depan kakitangan DBKK seramai 500 orang, Mayor Datuk Abidin Madingkir menghu- raikan set dasar baru itu, termasuk beberapa langkah, untuk membolehkan kod baru itu diamalkan.

Ia termasuk, mewujudkan satu Sistem Sokongan di Tempat Kerja untuk HIV, pesakit Aids dan program pemulihan penyalahgunaan dadah, melaksanakan pemeriksaan rawak ke atas kakitangan serta mewujudkan hukuman untuk kesalahan.

“Kakitangan yang didapati memiliki, menggunakan dan berada di bawah pengaruh sama ada dadah atau alkohol atau bahan berbahaya lain, akan menghadapi tindakan disiplin sewajarnya termasuk kemungkinan dipecat daripada kerja di DBKK,” katanya.